

AUGLÝSING

um breytingu á aðalskipulagi Akureyrar 1998-2018, athafnasvæði við Langholt.

Samkvæmt 2. mgr. 21. gr. skipulags- og byggingarlaga nr. 73/1997 hefur ráðherra þann 24. nóvember 2000 staðfest breytingu á aðalskipulagi Akureyrar 1998-2018 frá 4. september 1998.

Breytingin varðar athafnasvæði við Langholt sem stækkar til norðurs og einnig eru lóð-armörk athafnalóðar og lega Langholts leiðrétt til samræmis við fullnaðarhönnun götu og lóðar.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Akureyrar. Skipulagsstofnun hefur afgreitt erindið til staðfestingar.

Umhverfissráðuneytinu, 24. nóvember 2000.

F. h. r.

Ingimar Sigurðsson.

Sigríður Auður Arnardóttir.

REGLUGERÐ

um takmarkanir á innflutningi, notkun og meðhöndlun asbests.

Markmið.

1. gr.

Markmið reglugerðar þessarar er að takmarka notkun asbests og koma í veg fyrir heilsutjón og mengun af völdum þess.

Gildissvið og skilgreiningar.

2. gr.

Reglugerð þessi tekur til innflutnings, framleiðslu, sölu, notkunar og annarrar meðhöndlunar, þar með talið förgunar á asbesti og vörum úr asbesti.

Með asbesti er átt við eftirfarandi þráðlaga, kristölluð sílikatsambönd, bæði sem hreint asbest og í blöndu af öðrum efnum:

	CAS nr. (Chemical Abstracts Service)
Krýsótíl (hvítt asbest)	12001-29-5
Krókídólít (blátt asbest)	12001-28-4
Amósít (brúnt asbest)	12172-73-5
Aktínólít	77536-66-4
Antófyllít	77536-67-5
Tremólít	77536-68-6

Takmarkanir.

3. gr.

Innflutningur, framleiðsla, sala og notkun asbests er bönnuð með þeim undantekningum sem tiltekna eru í 4. gr. Bann þetta gildir einnig um tæki, vélar eða annan búnað sem í eru hlutar úr asbesti.